

Emmr wiedr- SCHALLUH (K/T: F. Bruck - 2023)

Du machsch mr mei Leba net emmer leicht
Stellsch dei Welt auf dr Kopf ond zwar om jeden Preis
Was du so denksch aus dem werr i oifach net schlau
Deine ständige Sorgia, dei Angst vor morga, wer woiß des scho genau

**Ond i komm emmer wiedr - Zu dir nieber
Ond frog di wie's dir got
Ond i komm emmer wiedr - Zu dir nieber
Egal wie's om ons stoht**

**Ond i komm emmer wiedr - Zu dir nieber
Au wenn du mir bled kommsch
Emmer wiedr - Doch manchmal frog i mi warum?**

Dei Stolz lesst net mol Platz für die selbscht
Siehsch denn net, dass elles om die rom, langsam zerfällt
Deine Launa wechslet ständig ond i nemms en Kauf
I glaub, i ko des nemme lang ertraga, bidde her drmit auf

Heit schalt i mei Handy auf stumm
Onser Gschwätz macht eh koin Sinn
Bidde ruaf mi net o, lass mi oifach alloi

**Ond i komm emmer wiedr - Zu dir nieber
Ond frog di wie's dir got
Ond i komm emmer wiedr - Zu dir nieber
Egal wie's om ons stoht**

**Ond i komm emmer wiedr - Zu dir nieber
Au wenn du mir bled kommsch
Emmer wiedr - Doch manchmal frog i mi warum?**

Für mi ischs au net emmer leicht
Woiß net ob mei Kraft ausroicht
Komm lass ons endlich mol wiedr guate Freind sei

**Ond i komm emmer wiedr - Zu dir nieber
Ond frog di wie's dir got
Ond i komm emmer wiedr - Zu dir nieber
Egal wie's om ons stoht**

**Ond i komm emmer wiedr - Zu dir nieber
Au wenn du mir bled kommsch
Emmer wiedr - Doch manchmal frog i mi warum?**

Emmer wiedr - Fang mr von vorne o
Emmer wieder - Frog mr ons warum
Emmer wiedr - Fang mr von vorne o
Emmer wieder - Frog mr ons warum